



Þykkvibær 20.01.2016

### Starfsemi ungmennafélagsins Framtíðarinnar 2015

Aðalfundur ungmennafélagsins Framtíðarinnar var haldinn 3.febrúar 2015 og að auki voru haldnir tveir fundir til skrafs og ráðagerðar. Eins og fram kom í fyrri ársskýrslu þá hefur ungmennafélagið haldið úti öflugri starfssemi þrátt fyrir fámenni. Segja má að smæð ungmennafélagsins okkar sé „akkelisarhæll“ er varðar árangur í keppnisíþróttum og þá sérstaklega hópíþróttum en að sama skapi erum við félagslega sterk, því börnin okkar leika sér saman og styðja hvort annað þrátt fyrir aldursmun þeirra, getu og þroska. Það er ánægjulegt að upplýsa að á árinu hefur bæst í iðkenndahópinn.

### Starfsemin allt árið

Allt árið er hist vikulega og margt brallað á leikjavöldum. Á leikjavöldum er markmiðið að stunda hreyfingu saman í leik sem hentar öllum aldri. Farið í þrautir, fótbolta, hlaup og margt fleira. Umsjónarmenn leikjavöldanna í vor sl voru umsjónarmenn Björk Grétarsdóttir og Bjarnveig Björk Birkisdóttir og í haust voru Helgi Ármannsson og Karen Eva Sigurðardóttir.



Að auki hafa okkar börn æft með umf. Heklu og KFR í þeim íþróttum sem þeim hentar.

Haldið var Zumba námskeið sem var vel sótt. Bæði börn og fullorðnir tóku þátt og liðkuðu sig saman í dansi.

Í mars var farið í leikhúsferð og séð Línu Langsokk í Borgarleikhúsinu. Ferðin vakti mikla lukku.

Hreyfivika UMFÍ var haldinn vikuna 21-27 september. Við fögnuðum þessum atburð og tókum að sjálfsögðu virkan þátt.

Á hverju ári hefur ungmennafélagið staðið fyrir 17. júní hátíðarhöldum ásamt kvenfélaginu Sigurvon. Að venju byrjaði dagurinn á kvennahlaupi ÍSÍ og var mætingin mjög góð að þessu sinni. Á eftir voru grillaðar pylsur og fjölgaði þá í hópnum. Allir mættu svo í betri fötunum í íþróttahúsið þar sem hátíðarhöldin fóru fram. Mikið fjölmenni sem kom víða að tók þátt í afar skemmtilegri hátíðardagskrá. Tekin var fram lest sem krakkarnir þreyttust seint á að ferðast í. Leigð voru hoppukastali og loftboltar sem vakti mikla lukku. Dagurinn verður í minnum hafður enda vel heppnaður.



Í ágúst var farið í fjölmenna bátsferð á Kálfalæk í Þykkvabæ. Í lok bátsferðar var snætt nesti og farið í leiki á eftir. Þetta var einstaklega skemmtileg ævintýraferð.



### Fjáraflanir

Aðal fjáröflun okkar er bingó á sumardaginn fyrsta, einnig fáum við að hirða umbúðir af gosdrykkjum sem falla til í íþróttahúsinu.

Fyrir konudaginn voru seld blóm til fjáröflunar.



Sveitafélagið hefur ekki styrkt rekstur ungmennfélagsins undanfarin ár.

### Búningamál

Það er mikilvægt að við séum sýnileg bæði þegar iðkendur eru í keppni og einnig fyrir börnin sjálf, að við erum öll í sama liði og erum stolt af því. Í janúar voru afhentir bolir sem voru styrktir af fyrirtækjum á svæðinu og á 17. Júní gaf ungmennafélagið öllum ungum iðkenndum stuttbuxur sem og íslenska fánann.

### Framtíðarsýn

Eins og áður hefur komið fram þá erum við ekki mörg í umf. Framtíðinni og því getum við ekki sett saman lið í hópíþrótt. Þá er mikilvægt að styrkja og hvetja einstaklingana í hópnum okkar sem er mjög fjölhæfur og nýta fjölmenni annara íþrótt- og ungmennafélaga í grennd við okkur til að þeir einstaklingar sem vilja stunda hópíþróttir geti það með góðu móti. Það er draumur okkar að börnin geti stundað íþróttir eftir skóla og þeim ekið í Þykkvabæinn að þeim loknum. Varðandi fjáraflanir þá er lífsnauðsynlegt að fá styrki til starfsins frá sveitafélaginu og gerum við okkur vonir um að svo verði á komandi ári.



### Stjórn Ungmennafélagsins Framtíðarinnar 2015

Formaður: Brynja Rúnarsdóttir

Ritari : Lilja Guðnadóttir

Gjaldkeri : Birna Guðjónsdóttir

Meðst. : Hrefna Huld Helgadóttir og Gyða Árný Helgadóttir

Ritað af Gyðu Á. Helgadóttur